

BANK ISLAM



Akaun Al Awfar

Laporan Prestasi Dana
Bagi Suku Tahun Berakhir 31 Disember 2017



Akaun Al Awfar

Laporan Prestasi Dana Bagi Suku Tahun Berakhir 31 Disember 2017

1.0 Maklumat Utama Dana

Pelanggan yang Dihormati,

Tahniah kerana menjadi pemegang Akaun Al-Awfar, iaitu akaun pelaburan pertama seumpamanya di bawah kontrak Mudarabah yang direka untuk menawarkan pelbagai peluang memenangi hadiah yang di taja oleh Bank di samping menjaga keuntungan. Akaun pelaburan Al-Awfar diperkenalkan di dalam sistem perbankan Islam Malaysia pada bulan Jun 2015 selaras dengan pelaksanaan Akta Perkhidmatan Kewangan Islam 2013 (IFSA).

Kami dengan sukacitanya membentangkan Laporan Prestasi Dana Akaun Al-Awfar yang berikut bagi Suku Tahun Berakhir 31 Disember 2017.

1.1 Nama Produk

Akaun Al Awfar (Akaun Pelaburan berasaskan Mudarabah)

1.2 Jenis Akaun Pelaburan

Akaun Pelaburan Tidak Terhad: merujuk kepada jenis akaun pelaburan di mana pemegang akaun pelaburan memberikan mandat kepada Bank untuk membuat keputusan muktamad bagi membuat pelaburan tanpa menetapkan apa-apa sekatan atau syarat tertentu.

1.3 Objektif Pelaburan Dana

Untuk melabur di dalam akaun pelaburan berisiko rendah bagi menggalakkan simpanan di samping berpeluang untuk memenangi hadiah melalui cabutan bulanan, suku tahunan dan peringkat wilayah.

1.4 Strategi Pelaburan Dana

Melabur dalam aset kewangan runcit yang selamat. Pada masa ini, aset yang diperuntukkan ialah Portfolio Pembiayaan Perumahan dan Aset Tetap Bank yang bertujuan untuk melindungi pelaburan.

1.5 Ciri-Ciri Akaun Pelaburan

Atas permintaan, iaitu pemegang akaun pelaburan boleh membuat pengeluaran pada bila-bila masa.

1.6 Peruntukan Aset Pelaburan

Bank akan memperuntukkan dana pemegang akaun pelaburan dalam Portfolio Pembiayaan Perumahan dan Aset Tetap sedia ada bagi menghasilkan keuntungan yang stabil.

1.7 Profil Pelabur

- Kategori pelabur:
 - Individu (Pemastautin dan Bukan Pemastautin)
 - Bukan Individu (Perniagaan/Entiti lain)
- Pelabur dengan toleransi risiko yang rendah
- Pelabur yang ingin memenangi hadiah

- Pelabur yang memerlukan tempoh pelaburan jangka pendek atau sederhana
- Pelabur yang memerlukan portfolio pelaburan patuh Syariah

Nota: Para pelabur dinasihatkan supaya mempertimbangkan semua faktor risiko dengan teliti sebelum membuat keputusan pelaburan. Pelabur akan berhadapan risiko berikut; risiko pasaran, risiko kredit, risiko kecairan, risiko operasi dan risiko undang-undang. Sila layari laman web Bank Islam untuk penjelasan lebih lanjut mengenai setiap risiko.

1.8 Penilaian Aset Yang Diperuntukkan

Penilaian akan dijalankan setiap bulan sebagai sebahagian daripada proses untuk menentukan pulangan kepada pelabur. Pulangan daripada pelaburan ini dipengaruhi oleh prestasi aset yang diperuntukkan termasuk, tetapi tidak terhad kepada, kualiti aset (iaitu pembiayaan terjejas) dan pergerakan Kadar Keuntungan Efektif (EPR) berkaitan aset pembiayaan yang ditetapkan berdasarkan kaedah kadar terapung dan lain-lain. Amaun prinsipal dan pulangan tidak dijamin dan pemegang akaun pelaburan berhadapan risiko tidak mendapat sebarang pulangan. Akaun pelaburan ini tidak dilindungi oleh Perbadanan Insurans Deposit Malaysia (PIDM).

Walau bagaimanapun, produk ini telah distruktur untuk mengurangkan risiko kehilangan prinsipal. Sekiranya berlaku senario pencairan, pemegang akaun pelaburan akan diberi keutamaan berbanding pendeposit.

1.9 Dasar Pengagihan

Keuntungan akan diagihkan setiap bulan, tetapi akan dikira setiap hari. Keuntungan ditentukan berdasarkan prestasi Portfolio Pembiayaan Perumahan dan Aset Tetap.

1.10 Penyata Berhubung Sebarang Perubahan

Tiada perubahan pada objektif, strategi, sekatan dan had pelaburan dalam tempoh suku tahunan ini.

2.0 Penyata Risiko

Lembaga Pengarah Bank Islam mempunyai tanggungjawab utama untuk menguruskan risiko operasi dan aktiviti perniagaannya dengan menetapkan kecenderungan dan tahap toleransi risiko yang konsisten dengan objektif keseluruhan perniagaan Bank serta profil risiko yang diinginkan. Jawatankuasa Risiko Lembaga Pengarah dibantu oleh Bahagian Pengurusan Risiko bagi memastikan terdapat pengawasan berkesan terhadap pembangunan strategi, dasar, prosedur dan infrastruktur untuk menguruskan risiko Bank.

3.0 Struktur Hadiah

Berdasarkan objektif pelaburan yang ditetapkan, IAH layak mengambil bahagian dalam cabutan bulanan, suku tahunan dan wilayah. Oleh itu, mereka dapat menikmati pelbagai peluang untuk memenangi hadiah seperti yang berikut:

3.1 Struktur Hadiah

Cabutan Bulanan :

| Hadiah | Hadiah Wang Tunai (RM) | Bilangan Pemenang |
|--------|------------------------|-------------------|
| 1 | 100,000 | 1 |
| 2 | 10,000 | 1 |
| 3 | 1,000 | 20 |

Cabutan Suku Tahunan :

| Hadiah | Hadiah Wang Tunai (RM) | Bilangan Pemenang |
|--------|------------------------|-------------------|
| 1 | 1,000,000 | 1 |
| 2 | 10,000 | 20 |

Cabutan Bulanan Wilayah :

| Hadiah | Hadiah Wang Tunai (RM) | Bilangan Pemenang |
|--------|------------------------|-------------------|
| 1 | 50,000 | 5 |

Kempen 3Xtra Drive :

| Tempoh Kempen | Hadiah | Bilangan Pemenang |
|--------------------------------|---------|-------------------|
| Oktober, November dan Disember | Audi A4 | 1 |

Kempen GO Umrah :

| Tempoh Kempen | Hadiah | Bilangan Pemenang |
|-----------------------|-------------|-------------------|
| November dan Disember | Pakej Umrah | 15 |

Nota:

- Cabutan bulanan bagi bulan Mac, Jun, September dan Disember adalah untuk Akaun Amanah Al Awfar.
- Semua hadiah disediakan oleh Bank dan tertakluk kepada perubahan dari semasa ke semasa.

3.2 Unit Kelayakan

3.2.1 Hadiah Wang Tunai

Setiap pelaburan bernilai RM100 berhak mendapat satu (1) unit kelayakan untuk cabutan. Walau bagaimanapun, Bank mempunyai budi bicara untuk mengkaji semula bilangan unit kelayakan dari semasa ke semasa.

3.2.2 Kempen

Untuk penjelasan lanjut, sila rujuk Terma dan Syarat bagi setiap kempen yang dianjurkan.

3.3 Ahli Jawatankuasa Cabutan

| Ahli Jawatankuasa Dalaman | Ahli Jawatankuasa Luar |
|----------------------------|--|
| Bahagian Syariah | Jabatan Kemajuan Islam Malaysia (JAKIM) |
| Bahagian Pengurusan Risiko | Persatuan Pengguna Islam Malaysia (PPIM) |

3.4 Pemenang Cabutan Hadiah Al Awfar bagi Suku Tahun Berakhir 31 Disember 2017

Cabutan Bulanan:

| Bulan | Hadiah | Hadiah Wang Tunai (RM) | Pemenang |
|---|--------|------------------------|-------------------------------|
| Oktober | 1 | 100,000 | Nor Munirah Binti Awang |
| | 2 | 10,000 | Haslina Binti Mohd Isa |
| | 3 | 1,000 | 20 pemenang* |
| November | 1 | 100,000 | Nor Binti Badar |
| | 2 | 10,000 | Siti Haminah Binti Sidek |
| | 3 | 1,000 | 20 pemenang* |
| Disember (Cabutan untuk Akaun Amanah) | 1 | 100,000 | Alia Sofiya Binti Alaswade |
| | 2 | 10,000 | Muhammad Haziq Bin Mohd Rizal |
| | 3 | 1,000 | 20 pemenang* |

Cabutan Suku Tahunan:

| Hadiah | Hadiah Wang Tunai (RM) | Pemenang |
|--------|------------------------|-------------------------|
| 1 | 1,000,000 | Siti Majelah Binti Moin |
| 2 | 10,000 | 20 pemenang* |

Cabutan Bulanan Wilayah:

| Bulan | Hadiah | Hadiah Wang Tunai (RM) | Pemenang |
|----------|--------|------------------------|---|
| Oktober | 1 | 50,000 | <ul style="list-style-type: none"> Norliza Binti Mokhtar Roni Binti Hasan Burok Binti Ali Mohd Nasir Bin Ya Saptuyah Binti Marjan |
| November | 1 | 50,000 | <ul style="list-style-type: none"> Aminuddin Bin Md Yassin @ A Bakar Ghazali Bin Ahmad Alias Bin Yunus Mohd Yasin Bin Zulkipli Abd Hakim Bin Abd Kadir |
| Disember | 1 | 50,000 | <ul style="list-style-type: none"> Zainal Bin Shahdan Mohd Noor Bin Arshat Fatimah Wati Binti Sata Zamri Nur Amirah Syahirah Hazli Salmiah Bt Mohamad |

Pemenang Kempen :

| Hadiah | Pemenang |
|----------|--------------|
| Audi A4 | 1 pemenang* |
| Go Umrah | 15 pemenang* |

Dari bulan Oktober hingga Disember 2017, seramai 118 pelanggan telah memenangi hadiah Al Awfar.
*Sila rujuk laman web untuk senarai penuh pemenang.

4.0 Prestasi Dana

4.1 Prestasi bagi Suku Tahun Berakhir 31 Disember 2017

| Kedudukan 2017 | Saiz Dana RM'000 | Pulangan Aset (ROA)* % (p.a.) | Nisbah Perkongsian Keuntungan (Pelanggan: Bank) | Pulangan Pelaburan (ROI) % (p.a.) | Tempoh Pengagihan |
|----------------|------------------|-------------------------------|---|-----------------------------------|-----------------------|
| Oktober | 1,892,753 | 5.22 | 2 : 98 | 0.10 | 16 Nov 17 - 15 Dis 17 |
| November | 1,929,564 | 5.18 | 2 : 98 | 0.10 | 16 Dis 17 - 15 Jan 18 |
| Disember | 1,986,005 | 5.22 | 2 : 98 | 0.10 | 16 Jan 18 - 15 Feb 18 |

* ROA - aset yang diperuntukkan kepada dana.

4.2 Peruntukan Aset

Portfolio Pembiayaan Perumahan dan Aset Tetap.

5.0 Pembayaran Keuntungan

5.1 Penyata Untung & Rugi

| AKAUN AL AWFAR | | | |
|--|----------------|-----------------|-----------------|
| Penyata Untung & Rugi Bagi Suku Tahun Berakhir 31 Disember 2017 | | | |
| | Oktober | November | Disember |
| | RM'000 | RM'000 | RM'000 |
| Keuntungan daripada pembiayaan | 8,598 | 8,121 | 8,673 |
| Perbelanjaan langsung* | - | - | - |
| Peruntukan bagi pembiayaan terjejas | (169) | (150) | (138) |
| Keuntungan Bersih | 8,429 | 7,971 | 8,535 |
| Pulangan Aset (p.a.) | 5.22% | 5.18% | 5.22% |
| Pulangan Pelaburan (p.a.) | 0.10% | 0.10% | 0.10% |


* Perbelanjaan boleh dikenal pasti, boleh diukur dan perlu ditanggung untuk melengkapkan aktiviti pelaburan tertentu (termasuk pembiayaan).

Nota:

Keuntungan adalah berdasarkan prestasi Portfolio Pembiayaan Perumahan dan Aset Tetap.


5.2 Kajian Portfolio Pembiayaan Perumahan dan Aset Tetap Setakat 31 Disember 2017

Portfolio Pembiayaan Perumahan dan Aset Tetap Mengikut Lokasi di Malaysia



Sebanyak 40.4% daripada jumlah Portfolio Pembiayaan Perumahan dan Aset Tetap adalah dari Wilayah Tengah. Ini menunjukkan pembiayaan Bank lebih tertumpu kepada kawasan maju seperti Lembah Klang.

Portfolio Pembiayaan Perumahan dan Aset Tetap Mengikut Baki Tempoh Matang Kemudahan



Sebahagian besar daripada Portfolio Pembiayaan Perumahan dan Aset Tetap mempunyai tempoh matang lebih daripada 15 tahun. Ini akan memastikan kestabilan dalam aliran keuntungan Bank yang dapat memberikan manfaat kepada profil pulangan pelaburan terutamanya untuk pelaburan jangka panjang.

Kualiti Aset Portfolio Perumahan



Portfolio pembiayaan terjejas yang rendah menunjukkan kualiti asset yang kukuh.

6.0 Sorotan dan Prospek Ekonomi

Kenaikan kadar faedah di Amerika Syarikat (AS) pada Disember 2017 menunjukkan bahawa ekonomi global sedang mengukuh. Keputusan yang dibuat oleh Rizab Persekutuan AS untuk menaikkan kadar faedah mereka adalah berdasarkan kepada situasi pasaran buruh yang kian baik. Perkara ini berdasarkan kepada penurunan di dalam kadar pengangguran daripada 4.7% pada akhir 2016 kepada 4.1% pada bulan Disember 2017. Selain itu, beberapa bank pusat lain juga mengambil langkah yang sama di mana Bank of England dan Bank of Korea masing-masing telah menaikkan kadar faedah mereka sebanyak 25 mata asas kepada 0.50% dan 1.50% pada bulan November yang lalu. Disamping itu, keputusan untuk mengekalkan pengeluaran minyak oleh negara OPEC dan negara bukan OPEC pada bulan November telah menyebabkan harga minyak mentah Brent meningkat kepada AS\$66.87 se tong pada akhir 2017 berbanding AS\$53.72 se tong yang dicatatkan pada tahun 2016. Justeru, ekonomi Malaysia dijangka akan terus mendapat manfaat daripada peningkatan pertumbuhan ekonomi dunia. Malahan pertumbuhan eksport negara juga meningkat sebanyak 20.7 peratus bagi tempoh sebelas bulan pertama 2017 berbanding 0.4% yang dicatatkan pada tempoh yang sama 2016. Prestasi ini disokong oleh pertumbuhan eksport barangan elektrik dan elektronik yang telah meningkat sebanyak 20.7% serta mewakili satu pertiga daripada jumlah eksport negara. Di samping itu, eksport berkaitan komoditi seperti petroleum mentah, gas asli cecair (LNG) dan minyak sawit juga masing-masing mencatatkan pertumbuhan yang tinggi iaitu pada kadar 31.5%, 30.9% dan 18.3% bagi tempoh sebelas bulan pertama 2017. Sehubungan itu, BNM melalui Jawatankuasa Dasar Monetari (MOC) telah mengeluarkan kenyataan pada November 2017 bahawa bank pusat mungkin akan menyemak semula tahap dasar monetari yang akomodatif. Kenyataan yang dikeluarkan telah menyebabkan para penganalisis ekonomi berpendapat bahawa Kadar Dasar Semalaman (OPR) dijangka akan dinaikkan pada tahun 2018. Jangkaan dilihat selari dengan situasi kadar inflasi negara yang kekal tinggi pada tahap 3.9% pada sebelas bulan pertama 2017, melebihi tahap purata jangka panjang iaitu 2.8%. Oleh itu, kerajaan telah mengunjurkan bahawa ekonomi Malaysia akan mencatatkan pertumbuhan di antara 5% dan 5.5% pada tahun 2018 berbanding jangkaan pertumbuhan 2017 iaitu sekitar 5.2% dan 5.7%. Prestasi pertumbuhan ekonomi akan dipacu oleh permintaan domestik di samping peningkatan dalam kegiatan ekonomi luaran. (Nota: Pada 25 Januari 2018, BNM telah menaikkan OPR sebanyak 25 mata asas kepada 3.25%. Oleh itu, Bank Islam telah menaikkan Kadar Asas [BR] kepada kadar yang sama 3.90% berkuat kuasa pada 1 Februari 2018).

7.0 Sorotan Pasaran Hartanah

Pasaran hartanah kediaman secara amnya kekal perlahan pada tahun 2017. Berdasarkan data terkini yang dikeluarkan oleh Pusat Maklumat Harta Tanah Negara (NAPIC), suku ke-3 2017 menunjukkan penurunan 1.2% suku ke suku dalam jumlah transaksi hartanah kediaman. Pada suku ke-3 2017, 47,501 transaksi berlaku berbanding 48,076 pada suku ke-2 2017 dan 49,578 pada suku ke-3 2016. Walau bagaimanapun, nilai transaksi pada suku ke-3 2017 menunjukkan peningkatan 8.9% peratus berbanding suku ke-3 2016 dan 3.0% berbanding suku ke-2 2017. Indeks Harga Rumah Malaysia (MHPI) sehingga setengah tahun pertama 2017 terus meningkat pada arah aliran sederhana dengan MHPI pada 184.1 mata (2010: tahun asas), meningkat sebanyak 5.6% secara tahunan pada suku-ke-2 2017. Jumlah pelancaran baru meningkat kepada 28,397 unit pada setengah tahun pertama 2017 berbanding 21,456 unit yang dilancarkan pada setengah tahun ke-2 2016. Walaupun tumpuan diberi kepada rumah mampu milik untuk setengah tahun pertama 2017, pelancaran baru oleh Pemaju Swasta bagi rumah yang berharga dari RM400,001 dan ke atas adalah 49.8% berbanding 18.4% untuk hartanah antara RM250,001 hingga RM300,00.00 dan 10.5% untuk harga di antara RM300,001 dan RM400,000 pelancaran perumahan baru. Ketidaksamaan yang ketara antara penawaran dan permintaan rumah mampu milik memburukkan lagi ketidakseimbangan pasaran. Walau bagaimanapun, peningkatan ekonomi dan perubahan positif dasar perumahan secara keseluruhannya akan membawa kesan yang baik. Hartanah kediaman di Lembah Klang masih mempunyai permintaan serta disokong oleh pertumbuhan ekonomi dan pelbagai insentif yang disediakan oleh kerajaan, antaranya dibawah PPA1M, PRIMA, RUMAWIP, “Skim Rumah Selangor Ku” “Skim Rumah Pertama Ku” dan “My Deposit 2018”. Bagi perumahan mampu milik, perlu ada peningkatan kecekapan dalam penyediaannya bagi mempercepatkan imbalan semula kekurangan penawaran dipasaran.

Portfolio pembiayaan perumahan (HFA) Bank Islam terus berkembang daripada RM16.6 billion pada bulan November 2017 kepada RM16.8 billion pada bulan Disember 2017. Prestasi ini seiring dengan perkembangan HFA di peringkat industri di mana portfolio HFA industri melonjak daripada RM511.9 billion pada bulan Oktober 2017 kepada RM515.9 billion pada bulan November 2017. Sementara itu, Nisbah Pembiayaan Terjejas menurun daripada 0.84% pada November 2017 kepada 0.80% pada bulan Disember 2017 berbanding dengan nisbah industri iaitu 1.09%. Ini menunjukkan bahawa penilaian kredit berhati-hati yang diamalkan di Bank Islam. Di masa akan datang, prospek sektor hartanah dijangka kekal sihat sebagaimana urbanisasi yang pesat serta tenaga kerja lebih muda akan menyebabkan permintaan pembiayaan perumahan yang lebih tinggi. Dalam hal ini, Bank Islam akan sentiasa memberi fokus utama kepada kawasan-kawasan perumahan yang strategik dan di masa yang sama menilai dengan teliti risiko-risiko yang bakal dihadapi.

Disediakan oleh:
BANK ISLAM MALAYSIA BERHAD

“LAPORAN PRESTASI DANA INI DISEDIAKAN SEMATA-MATA UNTUK MANFAAT PEMEGANG AKAUN PELABURAN DAN TIDAK BOLEH DISALIN, DIPETIK ATAU DIRUJUK SECARA KESELURUHAN ATAU SEBAHAGIANNYA TANPA KEBENARAN BERTULIS DARI BANK ISLAM TERLEBIH DAHULU. BANK ISLAM TIDAK AKAN BERTANGGUNGJAWAB KE ATAS SESIAPA SAHAJA SELAIN PIHAK YANG DIKENALPASTI DALAM LAPORAN PRESTASI DANA INI BAGI MAKLUMAT YANG TERKANDUNG DALAM DOKUMEN INI”